

EVENC

Rengrazion e cianton con legreza

Na beliscima zelebrazion a caraterisà chesta edizion de la tradizionela festa del Rengraziament de l'Union di Ladins, dedichèda chest an ai Cores de geija de duta la val

Se oujer al Segnoreddie con umiltà, l'è ch'est l'conzet zentrel che la letures e l'Vangile de domenai ai 27 de ottober ge a metù dant ai fidei. N'conzet uzà fora da don Mario Bravin con la convinzion che vegn da la coerenza, te la pardicia per ladin de la beliscima messa ofizièda te la Pieif de Sèn Jan per la Festa del Rengraziament de l'Union di Ladins de Fascia.

La gran partezpazion, la zelebrazion ladina de don Mario, che compagnà dal diacon Antonio l se a spròu con gran bon ejt n' muie aprijia a preer l' Segnoreddie e a se oujer a la comunanza te nosc bel lengaz, la orazioni di fidei e la bela procescion ofertoriala, ma soradut la cianties per ladin di corisè a socceda legreza e emozion te la jent che empienia la Pieif.

Apontin ai Cores de geija era dedichèda chest an la Festa del Rengraziament, a duc chi ciantores, e n'è passa 400 te Fascia, che met sie temp e sie impegn per viventer vigni zelebrazion, de festa e de manconia, con l'umoltà de chi che no se met in pruma fila ma che i dèsc n'contribut fondamentel per noscia comunanza, ma ampò con la consaputa che - descheche a dit Sènt Agostin - chi che cianta per l' Segnoreddie i prea doi outes. L'è un



N' muie de Gropes è jic en defilèda con l'autoritèdes e la Musega Auta Fascia.

de chi bens preziosc che vèlch outa no i vegn conscridè, ma canche i menia se sent l' gran vet.

I era beleche de cent sun ciantoria de la Pieif, componenc di Cores de geija de Vich, Poza, Pera, Soraga e Moena, vidè a roda dai maestres Rosanna March, Michele Pellegrin e Martin Bernard e compagnè a l'orghen da Luigi Bernard e Svetlana Dellantonio. N' ensem a oujes entonèdes e potentes che a valorisà la cianties ladines, cheles de la messa di badioc August Moling e Angel Morlang, ma enche cheles scrites da nesc museganc fassceng, desche «Di de gran festa» e «Sion chiò dedant a Te» de Stefano Lazzer, la neva ciantia «L. Segnoreddie l'è mie Pèster» scrita da Martin Bernard e armonisèda da Ilario Defrancesco, e la «Ave Maria» ciantèda per la pruma outa dai cores adum, per fenir con la bela e oramai classica «Madonina del Violette» del Canori.

A la fin de la messa i raprezentanc de duc i Cores de Fascia, ben 20 anter chi de bec, joegn e gregn de duc i pajes de la val, i è stac chiamè sun utèr: l' president de l'Union di Ladins de Fascia Fernando Brunel e la presidenta de l'Union Generela di Ladins dila Dolomites Milva Mussner ge a sport n' chèder con na bergamina de deveipai a vigni Cor

e n' picol pontapiet con trei notes, trei cromes ti colores brun, bianch e vert, che una apede l' altra les dèsc enche l'idea de la oujes di ciantores che se met adum per doventer esprescion corala de duta noscia comunanza ladina.

I ciantores è stac contenc no demò per l' deveipai, ma enche perché chesta bela zelebrazion l'è stat na ocasion de se troer, proer ensem, se sproer con vèlch neva ciantia per ladin. Magari te n' altra ocasion podarà se jontèr ite enche chi de la Val de Sora, che era impegnè te la zelebracions de la domenai da doman te sia parochies.

L' president Fernando Brunel a bù parolles fones de rengraziament per duc i Cores e soradut per chi che a viventà la messa, per la Museghes, en particolèr per chela de l'Auta Fascia e per duc i Gropes de Folclor che a tout pèrt de tropes a la defilèda e a la messa e per duc chi che a endrezà e dida per fèr garatèr chest Rengraziament. N' deveipai spezièl ge è jic a don Mario Bravin per la bela zelebrazion ladina ma el, umol desche semper, l'era jà se n' jic te sacrestia, senza spetèr de esser tout jù ti retrac ofiziali.

Lucia Gross



Desvalica autoritèdes se à enterzà per i discorsc ofiziali.



La Musega Auta Fascia à fat da cornisc con sia bela sonèdes.

I intervenc de l'autoritèdes

Dò la zelebrazion te la Pieif duc se a troà tedant colonia per i discorsc e l' moment più gustogol de gra al bon e rich mezmedì endrezà da la voluntadives de Vich e viventà da la Musega Auta Fascia, che l' a seghità a sonèr senza se sparagnèr.

L'è stat desvalives i raprezentanc de la istituzions che se a enterzà a rejonèr: la presidenta de l'Union generela di Ladins dila Dolomites Milva Mussner, la procuradora del Comun general de Fascia e senatora Elena Testor, l' conseier ladin Luca Guglielmi, la presidenta de l'Istitut Cultural Ladin Lara Battisti, l'ombolt de Sèn Jan Giulio Florian, l' president onorar de l'Union di Ladins de Fascia Antone Polam e ben segur l' president Fernando Brunel.

Da più man l'è ruà l'aprijiamet per l'Union di Ladins che chest an a cernù de ge dedichèr sie rengraziament ai cores de geija. Milva Mussner a trop aprijia la messa ciantèda duta per ladin e l' a uzà fora la laudes per la musega e l' bel ciantèr rengrazian i cores ma enche la Museghes che fèsc più beles la manifestazions.

Giulio Florian a palesà apontin piajer che se a volù recordèr i cores perché i è semper apede la jent tant ti momenc de festa che te chi de manconia e l' a rengrazià l' Segnoreddie per la giornèda maraveosa che l' ne a donà.

Ence Luca Guglielmi se a dit content de chesta cernuda per coche i cores viventea noscia zelebracions e per l' valor sozièl che i a per la comunanza. Passa 20 cores anter picol e gregn l'è n' valor che ne desferenzia, te geija e fora, da l' altra realtèdes.

Na ocasion de reflexion è ruèda da Elena Testor che a uzà fora l' besegn de no dèr nia per scontà, de rengrazièr per dut chel che aon. L' a envià a pissèr ai valores de noscia tera e a lurrè duc ensem acioche i vegne touc sù e portè dant te families, sociazions e istituzions.

Dò aer rengrazià l' Segnoreddie ajache vivon te na valèda con benesser e pèsc e duc chi che a endrezà e tout pèrt a l'event, enche Antone Polam a sport n' motif de reflexion envian a vardèr chel che l'è d'ò che sozet tel Cile e tel Libano. L' a recordà enche chel che scriveva Danilo Dezulian del Garber acà 20 egn ma amò de gran atualità anchecondi: onor al popol curdo e solidarità a la mendranza spartida e massacrada da 80 egn sot i eies de duc. Lara Battisti a rengrazià l' Union che da passa 40 egn porta inant chesta festa identitèra che reiona de noscia rejes cristienes e noscia tradizions, aprijian a na vida particolèra la cernuda de ge dèr n' recognosciment ai cores de geija che tant fèsc per la comunanza.

Dal discorsc de Fernando Brunel

«Chest an l' Consei de l' Union a pissà ai Cores de geija che da anorun i dasc sie emportant contribut a noscia Comunanza religiosa. N' deveipai sentì donca a dute le ciantarines, i ciantarins, i maestres, i organisè, i componisè de musega sacrala che i se dasc jù per far bele nosce feste e recordanze. No l'è sori anchecondi, vivon te n' mond globalisà olache duc i dis rua te nosce majon na gran levina de neves burtes, tegnir adum e meter tedant i gregn valores de noscia cultura, chela scempia de zacan, no l'è per nia sori. E donca l' bel ciantar ladin de nesc cores, dessema ai fruc de la tera, la lum, la legna da arder per se sciudar ite, l'aga, noscia bandieres, l'è i dons che anchè aon volù ge sporjer al Segnoreddio.»

L' president a volù recordèr enche l' maestres Luigi Canori Zanoner, pionier de la musega sacrala ladina e no l'è menia n' pensier a Pèr Frumenzio Ghetta che a tras racomanà de tegnir sù i valores de noscia cultura e rejonèda, «i pilastres de peton de noscia autonomia.»

CRIM



Beleche 100 ciantores a viventà la messa con cianties ladines.



Da l' ofertorie l'è stat portà su tera, bandiera e partituras.



I raprezentanc di Cores de geija de duta la val, che è stac rengraziè da l' Union di Ladins de Fascia.